



Broj: T18 0 KT 0018098 24
Brčko, 27.01.2025. godine

Na osnovu člana 35 stav (2) tačka i) i člana 226 stav (1) Zakona o krivičnom postupku Brčko distrikta BiH, p o d i ž e m:

OPTUŽNICU

Protiv:

S.Đ., rođen iz Brčkog

... nalazi se u pritvoru po Rješenju Osnovnog suda Brčko distrikta BiH broj 96 0 K 167330 24 Kpp od 05.11.2024. godine i rješenju o produženju pritvora Osnovnog suda Brčko distrikta BiH broj 96 0 K 167330 24 Kpp 3 od 29.11.2024. godine.

Što je:

1. Dana 08.10.2024. godine, u ulici ... broj ..., Brčko distrikt BiH, u stanu u kojem je živio sa D.Š. sa kojom je bio u emotivnoj vezi, svjestan da je udarcima u predjelu glave može tjelesno povrijediti, što je i htio, zadao joj nekoliko udaraca zatvorenom šakom u predjelu glave, kojom prilikom je D.Š. zadobila laku tjelesnu povredu u vidu nagnječenja i oguljotina kože čeone regije glave, nagnječenja i krvnog podliva desne očne regije i nagnječenja, otoka i krvnog podliva gornje i donje usne,

dakle, drugog lako tjelesno povrijedio,

2. Dana 02.11.2024. godine, nakon što je namjenski putničkim motornim vozilom iz otišao u do kladionice u kojoj radi njegova djevojka D. Š., istoj naredio da krene sa njim iako je D.Š. bila dužna da ostane do kraja radnog vremena, što je ona morala i učiniti, jer joj je izričito naredio, izvođenjem iz kladionice i zadavanjem udarca u leđa, nakon čega je sjeo sa D.Š. u vozilo, pa nastavio tokom vožnje da se na nju dere i maltretira je, da bi nakon što su došli u Brčko, u ulicu ... broj ..., u stan u kojem su živjeli proteklih mjesec dana, svjestan da udarcima u predjelu glave i tijela može D.Š. nanijeti tjelesne povrede, te svjestan da ozbiljnom prijetnjom prema D.Š. da će je lišiti života ugrožava njenu sigurnost, što je i htio, više sati i u više navrata D.Š. zadavao udarce otvorenom i zatvorenom šakom i nogama, u predjelu glave i tijela, vukao je po podu stana, kojom prilikom joj je prouzrokovao više lakih tjelesnih povreda u vidu nagnječenja donje usne, krvnog podliva lijeve nadlaktice i desne strane grudnog koša te krvnog podliva obje natkoljenice, pri čemu D.Š. nije smjela dozivati u pomoć jer je znala iz ranijeg S.Đ. ponašanja da to ne smije prijaviti policiji, bojeći se za svoju sigurnost zbog niza prijetnji koji joj je uputio lično kao i za članove njene porodice, a potom je uzeo kuhinjski nož, naredio joj da sjedne na krevet, stavio joj nož na vrat uz izričite prijetnje „sad ću te zaklati“, pri čemu je D.Š. očekivala da se to može i kobno završiti, kada je osjetila strah za svoj život i tijelo,

nakon čega je, svjestan da protivpravno zatvaranje i držanje zatvorenim drugog lica nije dozvoljeno, što je i htio, prvobitno D.Š. oduzeo mobilni telefon, zaključao ulazna vrata stana, te je odveo u sobu koju je također zaključao, nedozvoljivši D.Š. da iz nje izađe cijelu noć, a potom joj ujutro dao telefon kako bi javila šefu da neće doći na posao, što je D. iskoristila i ušla na društvene mreže te porukom pozvala svoju sestru u pomoć, tako što joj je napisala da ju je S.Đ. „zarobio i istuko“, tako da je sestra odmah alarmirala policiju, da bi i po dolasku policijske patrole, jedini način da D.Š. ukaže šta joj se dešava, bilo potajno ukazivanje policajcima klimanjem glavom da joj pomognu, a da S.Đ. to ne primijeti, nakon čega su policijski službenici postupili u skladu sa svojim ovlaštenjima,

dakle, drugog protivpravno zatvorio i držao zatvorenim, lako tjelesno povrijedio i ugrozio sigurnost licu ozbiljnom prijetnjom da će ga lišiti života,

čime je pod tačkom 1. učinio učinio krivično djelo – Laka tjelesna povreda – iz člana 170 stav (1) Krivičnog zakona Brčko distrikta BiH, a pod tačkom 2. krivično djelo – Protivpravno oduzimanje slobode – iz člana 176 stav (1) Krivičnog zakona Brčko distrikta BiH, krivično djelo - Laka tjelesna povreda- iz člana 170 stav (1) Krivičnog zakona Brčko distrikta BiH i krivično djelo - Ugrožavanje sigurnosti- iz člana 180 stav (1) Krivičnog zakona Brčko distrikta BiH, a sve u vezi sa članom 54 navedenog Zakona.

...

3. Prijedlog za produženje pritvora nakon potvrđivanja optužnice

Na osnovu člana 137 Zakona o krivičnom postupku Brčko distrikta BiH, Tužilaštvo Brčko distrikta BiH podnosi prijedlog da se prema optuženom S.Đ. u skladu sa članom 132 stav (1) tačka c) Zakona o krivičnom postupku Brčko distrikta BiH, produži pritvor jer naročite okolnosti opravdavaju bojazan da će osumnjičeni ponoviti krivično djelo za koje se može izreći kazna zatvora tri godine ili teža kazna.

[...]

****Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****
